

СССР-н Деед Советин Келн-
ämtнә Советд сунъгългъна Чер-
ноземельск сунъгъврин 596-ч
округар бичгдсн кандидат ұр
Ш. Д. Кичикова сунъгъачнрла
харгългъ кедж йовна.

Яшкульск района „Киров-
ский“ совхозин клуб 200-гар
сунъгъачнрар дүүрв. Совхозин
малчнр, механизатормуд, цер-
гләчнр, депутатин кандидат
ұр Ш. Д. Кичиковала харгъ-
хар цуглрв.

Түрүн болдж ұг авсн иткл-
тә кун Б. Д. Убушаева депу-
татин кандидат ұр Ш. Д. Ки-
чикован тускар тодрхагъар
цәйлгъдж келв.

— Мана депутатин кандидат
ұр Ш. Д. Кичикова танъгъчин
тоомсрта хөбчнрин негнь, куч-
көлсәрни нерән туурасн кун,
тегәд энүнә төлә мартин 16
өдр цугтан, нег кун кевтә,
дуугъан өгцхәтн гидж дууд-
джанав гидж ұр Убушаева
үгән төгскәв.

Кандидатла харгългъна хур-
гт ирцхәсн улсин дундас сунъ-
гъачнр даран-дарандан босдж
келцхәв. Ах инженер ұр Са-
марин, ах агроном ұр Жи-
ванов, көдлмшч комитетин ах-
лач ұр Якушев, багъчудас —
ұр Бембеев эдн цугтан ұр
Ш. Д. Кичикован кандидатин
төлә совхозин сунъгъачнр дуу-
гъан өгцхәх гидж иткүлдж
келцхәв.

Деед Советин депутатин
кандидат ұр Ш. Д. Кичикова
келсн үгдән сунъгъачнрт ик

ханлтан өргдж, даалгъсн даал-
гъвритн күцәхдән чидлән хар-
млго көдлхв гидж иткүлв.

Эн района Восточн МЖС-д
болсн хургт депутатин канди-
датла харгългънд 100 гар сунъ-
гъачнр ирцхәв. Босдж ұг кел-
цхәсн тракторн бригадин бри-
гадир ұр Боровенский, ах аг-
роном ұр Бушкирский, ком-
сомолин организацин сегләтр
ұр Эльдяев, нань чигн улс,
сунъгъврт белдлгън ик өргм-
лжтә кевәр кегддж, КПСС-н
ЦК-н Дуудврт заагдсн төрмү-
диг күцәхд МЖС-н көдләчнр
күчн-чидлән тәвдж көдлджә-
хинь заадж келцхәв. Комму-
нистрин болн партийн биш
улсин хамцлтин кандидатнрин
төлә дуугъан өгч сунъгъачнр
Төрскән цааранднь батлхд
белн гидж иткүлцхәв. Депу-
татин кандидат ұр Ш. Д. Ки-
чикова эдниг үнн седкләсн
йөрәв.

Района центр Яшкулин куль-
турин Герт 300 гар күч-көл-
счнр цуглрсн хург болснд,
СССР-н Деед Советин депу-
татин кандидат ұр Ш. Д. Ки-
чиковала харгългън болв.

Хургт 6 кун босдж ұг кел-
сн, цугтан депутатин кандидат
ұр Ш. Д. Кичикова советск
олн-ämtнә итклтә күүкнь, энү-
нә төлә дуугъан өгхвдн гидж
келцхәв. Ур Ш. Д. Кичикова
цуг сунъгъачнрт ханлт өргдж,
цаарандан чигн чидлән нөлго
Төрскән цецкәрүлхин төлә
көдлхв гидж иткүлв.